

Nochemol iwwer de Schitzehof

Also enn Haufe Leit hawwe mich in de letzde Daache oogesproche unn gesaad: Honnes, du host Recht, de Schitzehof muss erhalte bleiwe, unn sie hawwe weider gemoont, ess misst doch möchlich soi, die Plän so ze ännern, dass der bleiwe kann. Unn immer widder habb ich heern misse, dass merr schunnemol so e alt Gebäude abgerisse hott, was merr heit uff koon Fall mehr mache deet, nämlich dess alde Parrhaus. Unn deshalb seet su monscher, wenn e paar Jahr erum sinn, deet merr genauso driwwer jommern, dass on de Stell vom Schitzehof irschend so enn Betonklotz hiekumme iss: Zweckmäßig, hässlich, ausduschbar unn ohne Nutze ferr die Allgemeinheit. Weils enn „Investor“ gebaut hott, der soi Geld oolesche will, awwer mett unserm Flerschem nix onnersder omm Hut hott als dass dess, was doo gebaut iss, ihm aach e ordentlich Renditt bringe dut.

Was kennt merr dann mache, hott mich de Kusseng vom Schorsch gefroochd, dass die uffem Rothaus dess mettem Schitzehof noch ännern due? Solle merr den besetze, solle merr uns vor die Bagger stelle odder misse merr alles so laafe losse, wies die hohe Herrn so wolle?

Ich glaab, mir misse alles so laafe losse. Weil unser Erinnerung nitt stark genuch sinn, dess Abreiß zu verhinnern! Unser Erinnerung onn die scheene Zeide im Schitzehof, in unserne Juchend mette katholische Vereine unn e paar Jahr später, als der oone odder onnere von uns Männer onn Fassenacht – leider, leider! – soi Fraa dehoom losse musst, weilse uff die Geburt vunneme Kind gewadd hott unn unseroone deshalb – leider, leider! – mettere onnern im „Gepäcknetz“ owwe bis zum Hellwerrn Sekt trinke musst; die Erinnerung onn Sketche vom Wolfgang Stock, onn kloonne unn große Theaterstücke von onnern Stückeschreiwern vor emm Publikum, was nitt mett Klatsche uffgeheerd hott, unn nitt ze vergesse die Erinnerung onns Kättsche unn de Jakob Singer: unser Erinnerung sinn nitt stark genuch unn werrn bald genauso vergieh wie mir Alde aach. Unn unser Junge, wennse iwwerhaupt in Flerschem bleiwe, werrn irschendwonn im Heimatmuseum die vergilbte Fotos vom Schitzehof genauso ohne jede Reeschung betrachte wie die Fotos in de Bildzeidung vom letzde Eisbär uffere dorschgebrochene Eisscholl.

Also saach ich jetz onn die Adress von unserer Stadtverwaltung unn von de Flerschemer Politiker: Bitte, bitte, denkt entweder beim Bebaue vom Axthelmgelände odder irschendwo onnersd onn e Sälche zum Theaterspille, zum Singe unn zum Feiern, unn denkt bitte droo, dass wenn so was gemacht werdd, e rischdisch Wertschaft denewer iss, wo merr sich noochem Singe odder Theaterprowe hiesetze, enn Rotwoi trinke unn e bissi babbele kann. Unn wenn de Werrt dann enn Chines iss, dann werrn die Leit außem Reich der Mitte, die bald hierher kumme, sich hier wohlfühle unn mett unserm Beiemoosder, der in Schanghai gewese iss, mett Stäbcher um die Wett esse könne. Doodeferr misse die Chinese dann lerne, wie hier in Flerschem gebabbelt werdd.

Bitte seid so gut unn dut ebbes ferr e Sälche. Denn wenn merr die Flerschemer Vereine, die so ebbes dringend brauche, nooch Wicker, Weilbach odder Edderschem treiwe dut, nor weil dort e bissi Platz ferr se iss, dann muss merr sich nitt wunnern, wenn in e paar Jahr ess letzde Vereinsmitglied, korrz bevors sterwe dut, sich soin Kronz um de Hals hänge muss weil kooner mieh doo iss, der den vor soin Sasch leescht.